

ხელშეკრულება სახელმწიფო შესყიდვის შესახებ № CNF-26

(დაფინანსების წყარო: კავკასიის ბუნების ფონდის მიერ გამოყოფილი გრანტი)

ქ. თბილისი

16 ივლისი, 2019 წელი

ერთის მხრივ, ს.ს.ი.პ „დაცული ტერიტორიების სააგენტო“ (შემდგომში „შემსყიდველი“), წარმოდგენილი მისი თავმჯდომარის მოადგილის გიორგი დოლიძის სახით და მეორეს მხრივ, ფიზიკური პირი პაპუნა ჭიპაშვილი (შემდგომში მიმწოდებელი), ვხელმძღვანელობთ რა საქართველოში მოქმედი კანონმდებლობით, ვდებთ წინამდებარე ხელშეკრულებას შემდეგზე:

1. ხელშეკრულების საგანი და ღირებულება

1.1 ხელშეკრულების საგანია ცხენის (CPV 03322300-ცხენები) (შემდგომში „საქონელი“) სახელმწიფო შესყიდვა წინამდებარე ხელშეკრულებით გათვალისწინებული პირობების შესაბამისად, გამარტივებული შესყიდვის საშუალებით, „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის დამტკიცების თაობაზე“ სახელმწიფო შესყიდვების სააგენტოს თავმჯდომარის 2015 წლის 17 აგვისტოს #13 ბრძანების მე-2 მუხლის „ა“ ქვეპუნქტის საფუძველზე;

1.2 შესყიდვა ხორციელდება ს.ს.ი.პ „დაცული ტერიტორიების სააგენტო“-ს ბორჯომის-ხარაგაულის ეროვნული პარკის ადმინისტრაციის საჭიროებისათვის.

საფუძველი: წერილი N1521; 11.02.19წ.;

1.3 შესყიდვის ობიექტის საერთო ღირებულება შეადგენს 1700,0 (ერთი ათას შვიდასი) ლარს, ხელშეკრულებით გათვალისწინებული თანმდევი ხარჯების და გადასახადების ჩათვლით.

1.4 საშემოსავლო გადასახადის გადახდას უზრუნველყოფს შემსყიდველი.

2. შესყიდვის ობიექტის მახასიათებლები და ფასი

2.1 შესყიდვის ობიექტის მახასიათებლები: ცხენის დასახელება, აღწერილობა, რაოდენობა, ერთეულის ფასი და ღირებულება იხ. ხელშეკრულების დანართში №1 და ვეტერინარის აქტში, რომელიც შეადგენს ხელშეკრულების განუყოფელ ნაწილს.

3. საქონლის მიწოდების პირობები

3.1. ცხენის მიწოდება უნდა განხორციელდეს ხელშეკრულების გაფორმების შემდეგ, შემსყიდველის სიტყვიერი, ან წერილობითი მოთხოვნიდან, არა უგვიანეს ა.წ 26 ივლისისა;

3.2. ცხენის მიწოდება განხორციელდება მიმწოდებლის მისამართზე: ხარაგაულის რაიონი, სოფ. ისლარი;

3.3. მიწოდებული ცხენი უნდა შეესაბამებოდეს ვეტექიმის, ლევან ტაბატაძის მიერ შედგენილ აქტში ღწერილ მონაცემებს, რომლებიც თან ერთვის ხელშეკრულებას.

4. ხელშეკრულების შესრულების ინსპექტირება

4.1. მიმწოდებლის მიერ ნაკისრი ვალდებულებების შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი ახორციელებს ინსპექტირებას.

4.2. ხელშეკრულების მიმდინარეობის ინსპექტირების მიზანს წარმოადგენს:

4.2.1. ხელშეკრულების მოთხოვნებთან საქონლის შესაბამისობის დადგენა;

4.3 საქონლის ინსპექტირებას ახორციელებს ს.ს.ი.პ „დაცული ტერიტორიების სააგენტო“-ს ბორჯომ-ხარაგაულის ეროვნული პარკის ადმინისტრაციის დაცვის განყოფილების უფროსის მოადგილე ტარიელ ხიჯაკაძე.

5. შესყიდვის ობიექტის მიღება-ჩაბარების წესი

5.1. შესყიდვის ობიექტის მიღება-ჩაბარება ხორციელდება მიღება-ჩაბარების აქტის საფუძველზე

მიმწოდებლის მიერ ფაქტიურად მიწოდებული საქონლის შესაბამისად;

5.2. იმ შემთხვევაში თუ, მიწოდებული საქონელი შეესაბამება ხელშეკრულებით გათვალისწინებულ მოთხოვნებს, ხელშეკრულებით განსაზღვრული პირი მიღება-ჩაბარების აქტის საფუძველზე ახორციელებს მიწოდებული საქონლის მიღებას, ხოლო თუ, საქონლის მიწოდების პროცესში გამოვლინდება, რომ საქონელი არ აკმაყოფილებს ხელშეკრულებით გათვალისწინებულ მოთხოვნებს, შემსყიდველს უფლება აქვს არ მიიღოს ნაკლოვანი საქონელი და მოსთხოვოს მიმწოდებელს გონივრულ ვადაში ხარვეზის გამოსწორება მიმწოდებლის ხარჯით;

5.3 ხელშეკრულებით გათვალისწინებული მიღება-ჩაბარების აქტების გაფორმებაზე უფლებამოსილ პირს წარმოადგენს ს.ს.ი.პ „დაცული ტერიტორიების სააგენტო“-ს ბორჯომ-ხარაგაულის ეროვნული პარკის ადმინისტრაციის დირექტორი ლევან საბანიძე.

6. ანგარიშსწორება

6.1. ანგარიშსწორება მიმწოდებელთან განხორციელდება ლარებში, უნაღდო ანგარიშსწორების ფორმით, მიმწოდებლის მიერ ფაქტობრივად მიწოდებული საქონლის ღირებულების შესაბამისად.

6.2. ანგარიშსწორება განხორციელდება მიმწოდებლის საბანკო რეკვიზიტებზე.

6.3. ანგარიშსწორება მიმწოდებელთან განხორციელდება ხელშეკრულების პირობების შესაბამისად გაფორმებული მიღება-ჩაბარების აქტისა და ანგარიშსწორებისათვის საჭირო სხვა დოკუმენტაციის საფუძველზე, არაუგვიანეს 10 (ათი) სამუშაო დღისა.

7. მხარეთა ვალდებულებები

7.1. „მიმწოდებელი“ ვალდებულია:

7.1.1. მიაწოდოს „შემსყიდველს“ უფლებრივად და ნივთობრივად უნაკლო საქონელი;

7.1.2. „შემსყიდველს“ მიაწოდოს საქონელი ხელშეკრულების პირობების შესაბამისად და უზრუნველყოს თანმხლები დოკუმენტაციის წარდგენა;

7.1.4. კეთილსინდისიერად და მაღალპროფესიონალურ დონეზე შეასრულოს ნაკისრი ვალდებულება;

7.1.5. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.2. „შემსყიდველი“ ვალდებულია:

7.2.1. უზრუნველყოს „მიმწოდებლის“ დროული და სრული დაფინანსება;

7.2.2. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.2.3. დაიცვას ხელშეკრულებით გათვალისწინებული ყველა პირობა.

8. მხარეთა უფლება

8.1. „მიმწოდებელს“ უფლება აქვს:

8.1.1. ხელშეკრულების ფარგლებში მოითხოვოს დროული და სრული დაფინანსება.

8.2. „შემსყიდველს“ უფლება აქვს:

8.2.1. აწარმოოს მიწოდებული საქონლის ხარისხისა და რაოდენობის კონტროლი;

8.2.2. განაცხადოს უარი უხარისხო საქონლის მიღებაზე.

9. ფორს-მაჟორი

9.1. ხელშეკრულების პირობების, ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ,

რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

10. ხელშეკრულების პირობების და ფასების გადასინჯვა

10.1. თუ რაიმე წინასწარ გათვალისწინებული მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.2. წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

10.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

10.4. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

11. სადაო საკითხების გადაწყვეტა

11.1. შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

12. ხელშეკრულების შესრულების შეფერხება

12.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობისა და გამომწვევი მიზეზების შესახებ. შეტყობინების მიმღებმა მხარემ 10 (ათი) დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

13. ხელშეკრულების პირობების შეუსრულებლობა

13.1. ხელშეკრულების პირობების არაჯეროვანი შესრულებისათვის (მათ შორის, ვალდებულების შესრულების ვადაგადაცილების დროს), მიმწოდებელს დაეკისრება პირსაგამტებლო შესასრულებელი ვალდებულების შესაბამისი ღირებულების 0,02%-ის ოდენობით ყოველ ვადაგადაცილებულ დღეზე.

13.2. ხელშეკრულების პირობების არაჯეროვანი შესრულებისათვის (მათ შორის, ვალდებულების შესრულების ვადაგადაცილების დროს), შემსყიდველს დაეკისრება პირსაგამტებლო შესასრულებელი ვალდებულების შესაბამისი ღირებულების 0,02%-ის ოდენობით ყოველ ვადაგადაცილებულ დღეზე;

13.3. ხელშეკრულების შეუსრულებლობისათვის მიმწოდებელს დაეკისრება პირსაგამტებლო ხელშეკრულების საერთო ღირებულების 10%-ის ოდენობით.

14. ხელშეკრულების შეწყვეტა

14.1. ხელშეკრულება შეიძლება შეწყვეტილ იქნეს:

14.1.1. მხარეთა შეთანხმებით;

14.1.2. მიმწოდებლის მიერ 10 (ათი) კალენდარული დღის განმავლობაში ხელშეკრულებით ნაკისრი ვალდებულებების შეუსრულებლობისათვის;

14.1.3. საქართველოს მოქმედი კანონმდებლობით გათვალისწინებულ სხვა შემთხვევებში.

15. ხელშეკრულების მოქმედების ვადა

15.1. ხელშეკრულება ძალაში შედის მხარეთა მიერ მისი ხელმოწერის თარიღიდან და ძალაშია 2020 წლის 31 იანვრამდე, მხარეთა მიერ ხელშეკრულებით ნაკისრი ვალდებულებების სრულ და ჯეროვან შესრულებამდე.

16. ინტერესთა კონფლიქტი

16.1 "სახელმწიფო შესყიდვების შესახებ" საქართველოს კანონის მე-8 მუხლის თანახმად, შემსყიდველის მხრიდან ხელშეკრულებაზე ხელმომწერი პირი, აგრეთვე ვიზების დამდები პირები, ამავდროულად ვადასტურებთ, რომ არ ვიმყოფებით ინტერესთა კონფლიქტში აღნიშნულ მიმწოდებელთან.

17. განსაკუთრებული პირობები

17.1. არცერთ მხარეს არ აქვს უფლება გადასცეს მესამე მხარეს თავისი უფლებები და მოვალეობები, მეორე მხარის წერილობითი თანხმობის გარეშე.

„შემსყიდველი“

ს.ს.ი.პ „დაცული ტერიტორიების სააგენტო“

მის: ქ. თბილისი, გულუას ქ.№6.


ტელ: 2752352

ს/კ: 204911337

სახელმწიფო ხაზინა

სახაზინო კოდი: TRESGE22,

ა/ა #GE24NB0330100200165022



გიორგი დოლიძე

თავმჯდომარის მოადგილე

„მიმწოდებელი“

ფიზიკური პირი „პაპუნა ჭიპაშვილი“

მის: ხარაგაულის რიონის, სოფ. ისლარი

პ/ნ: 56001018120

ს.ს „ლიბერთი ბანკი“

ბანკის კოდი: LBRTGE22

ა/ა № GE55LB0711162820833001

პაპუნა ჭიპაშვილი

ფიზიკური პირი

სახელმწიფო შესყიდვის შესახებ ხელშეკრულება № CNF-26;

დანართი №1

ფასების ცხრილი

№	საქონლის დასახელება	განზომილების ერთეული	რაოდენობა	ერთეულის ფასი (ლარი)	საერთო ღირებულება (ლარი)
1	ცხენი „მომინო“: წაბლისფერი, 3 წლის, მახასიათებელი ნიშანი-შუბლზე აქვს ნიშა, მეგრული ჯიშის	სული	1	1700	1700

ჯამი: 1700,0 ლარი

„შემსყიდველი“

ს.ს.ი.პ „დაცული ტერიტორიების სააგენტო“

გ. დოლიძე

გიორგი დოლიძე
თავმჯდომარის მოადგილე

„მიმწოდებელი“

ფიზიკური პირი „პაპუნა ჭიპაშვილი“

პაპუნა ჭიპაშვილი
ფიზიკური პირი

2019 წლის 25 ივნისი

ჩვენ, ქვემოთ ხელის მოწერნმა ვეტექიმმა ლევან ტაბატაძემ და ცხენის მეპატრონე პაპუნა ჭიპაშვილმა შევადგინეთ ეს აქტი შედეგზე:

ხარაგაულის რაიონის სოფელ ისლარში მცხოვრები პაპუნა ჭიპაშვილის საკუთრებაში არსებული ცხენი, რომელიც უნდა შეიძინოს ს.ს.ი.პ დაცული ტერიტორიების სააგენტომ:

აღნიშნული ცხენი, რომლის სახელია „მიმინო“, ჯიში - აღნიშნული ცხენი არის მეგრული ჯიშის - ძვალმსხვილია, მშრალი და მაგარი კონსტიტუციისაა, კარგად აქვს განვითარებული კუნთოვანი სისტემა. გამოირჩევა მუშაობის დიდი უნარით და თვისებებით მთაგორიან პირობებში. ფერი - წაბლისფერი, ასაკი - 3 წლის, წონა - 300 კგ, სიმაღლე - 140 სმ, სიგრძე კუდიდან ბეჭამდე - 128 სმ, მახასიათებელი ნიშანი - შუბლზე აქვს ნიშა.

გარეგანი ვიზუალური დათვალიერებით აღნიშნული ცხენი ჯანმრთელად გამოიყურება. კანის მთლიანობა არ არის დარღვეული. ბალანი ბზინვარე - დალაგებული. ტემპერატურა ნორმალურია (38 გრადუსი), სუნთქვა ვეზიკულარული, გულის ტონები სუფთა, ჩლიქები ნორმალური. სხვა არსებითი ცვლილებები ვიზუალურად არ აღინიშნება. ცხოველი კლინიკურად ჯანმრთელია.

აქტის სისწორეს ვადასტურებთ ხელის მოწერით:

ლევან ტაბატაძე / *ლ. ტაბატაძე*
 პაპუნა ჭიპაშვილი / *პ. ჭიპაშვილი*